

RAADSBELEID

ONDERWERP : BEGRAAFPLASE

VERWYSING : 16.6.R

BESLUIT NR : 18/09/2002 DATUM : 30 September 2002

BELEIDSOOGMERK : Gestruktureerde aankoop, reservering en uitbou van grafte tot voordeel van die Munisipaliteit se registerstelsel en vir die publiek se veiligheid en om begraafplase se estetiese voorkoms te verbeter.

BELEIDSFILOSOFIE EN BEGINSELS

Die aankoop en reservering van grafte moet so geskied dat dit korrek vir toekomstige verwysings en statistieke gemonitor kan word. Verder is dit belangrik dat grafte, wanneer dit uitgebrei word, volgens voorgeskrewe veiligheidsstandaarde en bouregulasies sal geskied, sodat grafte nie inval tydens konstruksie of wanneer persone oor grafte beweeg nie.

RIGLYNE BY AANKOOP EN RESERVERING VAN GRAFTE

Geen graf word deur die Munisipaliteit gegrawe, uitgebrei of toegemaak nie.

1. Reserverings word slegs toegelaat vir familie in die eerste verband van 'n oorledene en slegs een reservering per oorledene.
2. Aankoop en reservering van dubbeldiepte grafte word aangemoedig (dit neem minder plek in beslag as twee grafte langs mekaar). Die prys van die tweede graf in 'n dubbeldiepte graf is slegs **15%** van 'n normale grafprys.
3. Die plaas van menslike as (in geval van verassings) word in 'n graf of in 'n nismuur (teen die geldende tariewe) toegelaat.

PROSEDURES BY DIE UITBOU EN TOEMAAK VAN GRAFTE

1. Indien grafte uitgebrei word, moet versterkte betonstroke bo-op die kis geplaas word om die inval van grafte te verhoed en nie materiaal soos sinkplate nie.
2. Wanneer grafte uitgebrei word, moet dit 'n dubbellaag stene wees tot ten minste bokant die kis (waarop betonstroke geplaas word) om die inval van uitgebreide grafte te beperk.
3. 'n Boete, soos vervat in die tariefbundel, word gehê teen begrafnisondernemers en privaat persone wat grafte grawe en uitbou en nie boumateriaal, klippe en ander rommel verwyder wanneer grafte klaar gegrawe en/of uitgebrei is nie.
4. Alle ander regulasies soos vervat in die begraafplaasverordening bly van toepassing (grafdiepte, ensovoorts).

ROLLE

Die Parke en Rekreasie Afdeling se subafdeling, Dienste is verantwoordelik vir die uitvoering van die beleid.

VERWANTE BELEID

1. Begraafplaasverordeninge.
2. Tariefbundel.

HERROEPINGS/WYSIGINGS

Dat alle vorige beleidsbesluite in hierdie verband herroep word.